

Sant'Andria 'e Frius. Mèrcuris 21 de làmpadas atòbiu in biblioteca pro chistionare de is istrumentos de sa traditzione musicale sarda



Alessandro

Podda,

operadore de sa limba sarda de s'Unione de is Comunos de su Gerrei, at a realizare una serie de addòbios didàticos a tema in is bibliotecas de su territòriu chi interessent is pipios dae 5 a 11 annos.

Su primu addòbiu at a èssere su de mèrcuris 21 de làmpadas a is 16.00, acanta sa biblioteca comunale de Sant'Andria Frius, a tìtulu

“Sonus antigus”, dedicadu a is trastos musicales traditzionales de sa Sardigna.

In prus de ammustrare launeddas, sulitus, sonetus, trunfas e is trastos de sa Chida Santa, comente is matracas, s'operadore linguìsticu at a ispiegare comente a si realizant is istrumentos, su funtzionamentu issoro e sa funzione chi tenent. A is pipios at a bennere donada fintzas sa possibilidate de impreare unos cantos de custos trastos. S'addòbiu est de badas.